

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut:

- 1. Aningaasatigut qanoq kinguneqassava Inatsisartut utoqqalinermi pensionisiaqarneq pillugu inatsisaanni § 10, stk. 3 aallanngortinneqarpat imaalillugu, pensionisianut tapinut taamaallaat ilanngaataasalersillugu utoqqalinersiuteqartup isertitaani 56.000 kr.-ninet qaangiissutaasut 30 %-tiat?**
- 2. Aningaasatigut qanoq kinguneqassava Inatsisartut utoqqalinermi pensionisiaqarneq pillugu inatsisaanni § 10, stk. 3 aallanngortinneqarpat imaalillugu, pensionisianut tapinut taamaallaat ilanngaataasalersillugu pensionisiallit katissimasut/aappariillu isertitaanni 83.000 kr.-ninet qaangiissutaasut 20 %-tiat?**

(Inatsisartunut ilaasortaq, Jess Svane, Siumut)

Tungavilersuut:

Utoqqalinersiutisiat tassaapput tungaviusumik utoqqalinersiutisiat aamma utoqqalinersiuteqarnermi tapi.

Utoqqalinersiutip tapia naatsorneqartarpoq utoqqalinersiutisiaqartoq katissimappat/inooqateqarpat kisermaajuppalluunniit.

Utoqqalinersiutisialik katissimappat/inooqateqarpat utoqqalinersiutiat tapiat 41.300 kr.-t tikillugit annertussusilerneqartarpoq, aappariit isertitaasa katinneri apeqqutaatillugit.

Ataatsimut isertitat 220.000 kr.-t missilioraangatigit qaangeraangatigilluunniit tungaviusumik utoqqalinersiutisiat peerneqartarput.

Utoqqalinersiutisialik kisermaajugaangat utoqqalinersiaasa tapiat 74.300 kr.-t angullugit annertussusilerneqartarput, utoqqalinersiuteqartup isertitai apeqqutaatillugit. Utoqqalinersiutialik kisermaaq (utoqqalinersiutimi saniatigut) 56.000 kr.-t sinnerlugit isertitaqarsimappat, isertitai 56.000 kr.-t qaangersimagaangatigit tungaviusumik utoqqalinersiutisiaa 45%-inik annikillisinneqartarput.(Uani kisitsisit 2016-imeersut naatsorsuutigineqarput.)

Isertitat 221.000 kr.-nit qaangerlugilluunniit annertussuseqarpata tungaviusumik utoqqalinersiutisiat peerneqartarput.

Isertitat akileraarutaasussaammata, utoqqalinersiutisiallit kisermaat 56.000 kr.-t 221.000 kr.-llu akornini isertitaqarnissartik kajumiginaviangilaat. Utoqqalinersiutisialik kisermaaq aalisarnermik piniarnermilluunniit ukiumi pineqartumi 56.000 kr.-nik isertitaqarsimaguni tungaviusumik

utoqqalinersiutisiaminit koruunimik akissarsinerit tamaasa 45 øre ilanngaatisiarissavai, saniatigullu 42 øre-t 44 øre-llu akornini akileraarutigissallugit.

Apeqquataalerpoq saniatigooqarnissamut kajumissaataanersoq.

Ukiuni aggersuni naatsorsorneqarsinnaavoq sumiiffinni utoqqalinersiutisiallit amerliartornissaat. Ima isumaqarpoq sulisinnaasut tamakkerlugit innuttaasunit isumagineqartunit ikinnerulernissaat. Ikinnerusut amerlanerusut isumagilersussaassavaat.

Soqutigisaraarput utoqqalinersiutisiallit pisinnaagallernerini inuaqatigiit aningaasarsiornerannut nukissaqarlutillu kajumissuseqarnissaat.

Taamaammat utoqqalinersiuteqartut kisermaat ilanngaataasa procentiata appartinneqarnissaa isumaliutigisariaqarpoq.

Aappariit/inooqatigiit utoqqalinersiuteqartut isertitaasa 83.000 kr.-t 220.000 kr.-t sinnerlugilluunniit isertitaqarsinnaasut suliinnarnissaannut kajumissaataassaaq. Utoqqalinersiuteqartut kisermaat annikillisaaviginerisa procentia annikillisinneqassappat, utoqqalinersiutaasa tapiisa annertussusaata pigiinnarnissaa kissaatiginarpoq, soorlu utoqqalinersiuteqartut katissimasut/inooqatigiit tapisiaqarnerannut nallersuuttuussappat, soqutiginaateqarpoq utoqqalinersiutillit katissimasut/inooqatigiit ilanngaataasa procentiata appartinnissaa.

Matumuuna apeqquteqarnera tunngaveqarpoq Landkarsimut kommuninullu aningaasatigut qanoq sunniuteqarsinnaaneri qanoq annertutiginersut.

Apeqquteqaatimma ullut suliffiusut qulit iluanni akineqareersimanissaat kissaatigaara.